



Doris Jakobsen Jensen
Inatsisartunut ilaasortaq, Siumut

**§ 37 naapertorlugu apeqqummut akissuteqaat nr. 58/2023– Pineqarput -
ilinniagaqarnissamut anguniakkat aamma sumiorpaluutsit**

15-03-2023
Suliap normua 2023 - 5193
All. nr. 22706822

Postboks 1029
3900 Nuuk
Oqarasuaat: +299 34 50 00
Email: ikin@nаноq.gl
www.nanoq.gl

Asasara Doris Jakobsen Jensen,

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

Apeqqut 1: Nunatsinni sumiorpaluutit Avanersuarmi Tunumilu atorneqartut, atuartunit sukumiinerusumik ilisimasaqarfigineqalersinniarlugit atuarfimmi ilikkagassatut anguniakkat allanngortinneqassappata, tamatumunnga sulisutigut aningaasatigullu nukissat amerlanerusut suut pisariaqartinneqassappat?

Akissuteqaat:

Atuarfimmi atuartitsissutini atuartitsissutinilu qanitariissuni alloriarfiit siunertaat kiisalu atuartitsissutit siunertaat ilikkagassatullu anguniagassat pillugit Namminersornerullutik Oqartussat nalunaarutaat nr. 16, 24. juuni 2003-meersoq naapertorlugu ” Kalaallisut ilinniartitsinermi sumiorpaluutsit taaneqartartut "piorsarsimassuseq aamma inuuniarnermi atugassarititaasut sumiorpaluutsit assigiinngitsut suliarineqartussaapput. Uani pineqarput ilinniartitsissutissat uku trinnini nukarlerni, akullerni angajullernilu, ilinniartitsinissamut siunniussat pituttuisuupput.

Trinnini nukarlerni atuarnep naammassilernerani atuartut kalaallit Nunaanni sumiorpaluutsinik assigiinngitsunik tamatumalu oqaluttuarisaanermi tunuliaqutaanik ilisimasaqartussaapput § 6 imm. 3 nr. 5 tunngavigalugu.

Akullerni atuarnep naammassilernerani atuartunit sumiorpaluutsit immikkuullarissusaat § 7 imm. 3 nr. 4 naapertorlugit ilisimasussaavaat.

Trinit angajulliit atuarnep naammassilernerani atuartut Kalaallit Nunaanni sumiorpalutit aamma inuit oqaasii toqqakkat § 8 imm. 3 nr. 5 tunngavigalugit ilisimasaqarfigisussaavaat.

Aamma ilinniartitsisut pilersaarutaanni [assersuutissaqarpoq](#) Qanoq kalaallisut ilinniartitsinermi sumiorpaluutsit assigiinngitsut atuartitsissutiginissai ilinniartitsisup pilersaarusiorsinnaanera.

Atuarfik pillugu Inatsisartut inatsisaat nr. 15, 3. December 2012-imeersuni § 36, imm. 1 naapertorlugu Naalakkersuisut pisussaapput atuarfimmi atuartitsissutissanik inerisaassallutik kiisalu ilinniartitsisunut pisortanullu pikkorissaaneret ilinniartitseqqinnerillu

isumagissallugit. Suliassat taakku ilinniartitaanermut aqutsisoqarfimmi inissisimapput. Piffissami matumani kalaallit sumiorpaluutaat pillugit aalajangersimasut pillugit ineriartortitsinissamut aalajangersimasumik pilersaaruteqartoqanngilaq. Ilinniartitaanermut Aqutsisoqarfimmi ilinniusiorfiup § 37 naapertorlugu 2021/40-mut apeqqummut akissuteqaataanut atatillugu ilisimatitsissutigaa atuartsissutinik nutaanik ineriartortitsinissap qanoq annertutigisumik aningaasatigut kinguneqarnissaa naatsorsoruminaappoq tassami annertussusaat assiliartalersorneqarnerat allatigullu atortulersorneqarnissaat kiisalu aallaqqaataaniit aallartittoqassanersoq apeqqutaatillugu aningaasatigut kingunissarineqartut aatsaat nassaarineqarsinnaammata. Assersuutigalugu ilinniusiorfiup ilisimatitsissutigaa, atuartsinermi atortussat 43-nik quppernillit ineriartortinneqarsimanerat 272.000 kr.-nik akeqarsimmata. Tamatumunnga ilanngunneqarput, atuakkiortumut, ilusilersuinerumut titartagartalersorneqarneranut, naqiterneranut aamma nutserneqarneranut aningaasartuutit. Tamatumunnga aamma ilaapput aaqquissuussineq siaruarterinerlu. Aningaasartuutissatut naatsorsuutigineqartut 2023-mi allannguuteqangaassanngitsut Ilinniumiorfimmit naatsorsorneqarpoq. Atuartsilluni atortussat ilinniartitsisunut siunnersuinernek, video-nik nipilersuinernek aammalu qarasaasiaq atorlugu atortulerneqassappata aningaasartuutissat qaffasinnerungaatsiassapput. Aningaasartuutissat piffissami matumani ilinniumiorfimmit naatsorsorneqarsinnaanngitsut.

Ilanngullugulu Kalaallit Nunaanni simiorpaluutsit assigiinngitsut immikkut atuartsissutigineqalernissaat pillugu pitsanngorsaasoqartoqarnissaanik piffissami matumani pilersaarutigineqanngilaq.

ilinniartitaanermut Aqutsisoqarfimmit ilisimaneqarpoq qitiusumik najuulluni pikkorissarnerit nunatsinni sumiiffinni tamaniit inunnik 20-25-nik peqataaffigineqartut minnerpaamik 500.000 kr.-nik akeqartartut. Ukiuni kingullerni Ilinniartitaanermut Aqutsisoqarfiup sipaaqqusaasimanera kiisalu suliassat politikikkut peqqussutigineqartut aqutsisoqarfimmit suliarineqartut eqqarsaatigalugit, maannakkut aqutsisoqarfimmut aningaasaliissutit iluini taama aningaasartuutaatigisumik pikkorissaanermik ingerlatsisoqarsinnaanngilaq.

Inussiarnersumik inuulluaqqusillunga



Peter Olsen